

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Saopštenje sa 6. sjednice Upravnog odbora Agencije za razvoj visokog obrazovanja i osiguranje kvaliteta

održane 03.10.2024. godine u Banjaluci

Upravni odbor Agencije održao je 6. sjednicu u Banjaluci. Sjednicom je predsjedavao predsjednik UO prof. dr Nenad Ponorac.

Članovi UO dali su saglasnost na Preporuku o žalbenim procedurama u postupku provođenja akreditacije visokoškolskih ustanova i studijskih programa. Ovom Preporukom koja je dio Akcionog plan za unapređenje osiguranja kvaliteta u BiH u procesu pripreme za ostvarivanje punopravnog članstava u ENQA-i, nadležnim obrazovnim vlastima preporučuje se okvir za regulisanje žalbenih procedura u postupku akreditacije visokoškolskih ustanova i studijskih programa u Bosni i Hercegovini, te postupanje Agencije za razvoj visokog obrazovanja i osiguranje kvaliteta po žalbenim procedurama iz njene nadležnosti.

Članovi UO razmatrali su i Nacrt dopuna Statuta Agencije, a koje su planirane radi realizacije preporuka Komisije ENQA-e tokom posljednje eksterne evaluacije Agencije i to u dijelu koji se odnosi na izbor članova i nadležnosti Upravnog odbora. Između ostalog, navedeno je potrebno kako bi u budućim procedurama izbora članova Upravnog odbora, pored redovnih profesora, bili primijenjeni principi uključivanja i ostalih zainteresovanih strana, kao što su predstavnici privrede i prakse, te studenti u članstvo u Upravnom odboru Agencije.

Upravni odbor dao je saglasnost na novi Pravilnik o vođenju Državnog registra akreditovanih visokoškolskih ustanova u Bosni i Hercegovini.

Članovi Upravnog odbora Agencije usvojili su i Program rada Agencije za 2025.godinu